

# 2 TESALONICENSES

## 2 Tesalonicensesdih jwí túi beh joyát pínah naáwát

¿Dêhe tigaá daácniji? Pablo, Dios á jib bohéat túttni nin núodih át daacáp wut jî. Pablo ded pah á jumatdih chah jéihíhna, Romanosdih jwí túi beh joyát pínah naáwát dih ñi enee.

¿Ded dih át daá cji? Queét Tesalónicadih moón Jesúh wādih nin núodih át jwúb daác wahap wut jî.

¿Ded mant, débólih cah, át daá cji? Chah jéihnit “Pablo 1 Tesalonicensesdih á daacát túttimah, seis widh túttimah, jópchi 51—52, (Jesús á wanat túttimah 18—19 jópchi túttimah) nin núodih át daacáp wut jî. Silas Timoteojîh Tesalónicadih moondîh Pablo á jwíh daá cni núodih wahnitji Pablo pebhna í jwúb juyát túttimah, nin núodih queétdih át jwúb daác wahap wut jî”, í nij jengah joiná caá.

¿Dedé pínah tigaá át daá cji? Nin núodihbut bíc yoobó queétdih teo wáaquíhna, át daác wahap wut jî. Yeejép yapnitdih weñafhna, Jesús dih cádahat tútcan, yabhcanjeh tewat túttna, Jesús ded pah á jwúb dei jüúwát pínah á jumatdih á jwúb jéihyaíhna, nin núodih át daác wahap wut jî.

Ded pah 2 Tesalonicenses á jumat:

1. Queétdih á daác jwíhat (1.1-12)
  - a. Queétdih á túyat tútat (1.1-2)
  - b. Queétdih “Túina caá”, Diosdih á niját (1.3-10)
  - c. Queétdih á úbát (1.11-12)
2. Queétdih á wutat (2.1—3.15)
  - a. Jesús á jwúb dei jüúwát ded pah á jumatdih í jengah joyátdih á yoobáat (2.1-12)
  - b. Jesúh wā ded pah jengah joyát caá náahap (2.13-17)
  - c. Caandîh í úbát pínahdih á wutat (3.1-5)
  - d. Yabhnitdih á tewat tútat (3.6-15)
3. Queétdih á pée úbát, á túyat tútatbut (3.16-18)

### Queétdih á túyat tútat

**1** <sup>1</sup>Weém Pablo, Silvano, Timoteojîh túyat túttnit, yeéb Tesalónica tútchidih moón jwí íp Dioíh wā, jwí Maáh Jesucristoíh wābut ñi jumachah, nin núodih bífhidh daacát túttnit, yeebdîh wā jwúb wahna caá.\* <sup>2</sup>Jwí íp Dios, jwí Maáh Jesucristo yeebdîh oinit, í teo wáaca naáh, ñi túi jumat pínah nijná.

### Queétdih “Túina caá, Paá”, á niját

<sup>3</sup>Wā déewā panihnitá, yeebdîh úbhñit, “Jesús dih chah í túi jengah joyátdih, chah

í míc oyatdihbut á túina caá, Paá”, yeé jáap jumat pah jwí niját dée caá.

<sup>4</sup>Jesús dih ñi péeat jíib, bita yeebdîh yeejép í chājachah yuhna, caandîh ñi cádahcan caá. Páant ñi cádahcatdih jéihna, bita Dioíh wādihbut jwí túi wēi naóhna caá.

### Cristo á jwúb dei jüúwáchah, Dios yeejépwādih á péeh chājat

<sup>5</sup>Yeejép yapna yuhna, Jesús dih ñi cádahcah enna, Dios á maáh jumapna yeebdîh á bejat tútatbipna caá. Páant á chājachah, á jengah joyát yoobópdih á jumatdih nihat cáacwā í jéihbipna caá.

<sup>6</sup>Pánihna, Dios yoobópdih jengah joiní

\* 1.1 Hch 17.1; 1Ts 1.1

jumna, yeebdíh yeejép chäjnitboodíh ā peéh chäjbpina caá. <sup>7</sup>Jwí Maáh Jesús jeámant jwáub dei jūóhna, búdí tæu iigát cātíh, áih wēpni ángelwā bíicdih, yeeb yeejép yapnítjidih ā tái jumt tātubpina caá. Jwítdihbut bíc yoobó ā chäjbpina caá. <sup>8</sup>Pánih jūóhna, Diosdih, jwí Maáh Jesúh tání doonádihbut jepahcannitdih ā peéh chäjbpina caá. <sup>9</sup>Dios queétdih ā peéh chäjachah, páantjeh iiguípboó yeejép ī yapbina caá. Jwí Maáh Jesús pebh jéih jumcan, búdí ā wēpatdihbut ī jéihcan níit. <sup>10</sup>Jesús ā jwáub dei jūóhni yeó jáapdih áihwā caandíh wēinit, “Jesús túini, chah wēpni caá”, ī niijbpina caá. Yeeb áih doonádih jwí naáwáchah joinítbut queét bíicdih caandíh búdí nī wēibpina caá.

#### Queétdih ā uúbát

<sup>11</sup>Yeebdíh Diosdih jwípí uúbhna caá, ā náahat pahjeh nī chäjat pínah niijná. Nihat áihwádih páant chäjat caá náahap. Pánihna, yeó jáap jumt pah yeebdíh búdí jwí uúbhna caá, Diosdih tái jenah joinít, ā teo wáacatjīh ded pah nī chäjíhatdih nī buujáat pínah niijná. <sup>12</sup>Páant nī tái chäjachah, jwí Maáh Jesucristohwā nī jumtadih jéihnit, bita caandíh, yeebdíhbut ī tái wēi naóhbpina caá. Páant nī jumt pínah niijná, jwí íp Dios, jwí Maáh Jesucristobut yeebdíh oinit, ī teo wáacbpina caá.

#### Jesucristo ded pah ā jwáub dei jūúwát

**2** <sup>1</sup>Bæu jwáh jwí Maáh Jesucristo nin baácboó ā jwáub dei jūúwáchah, míic wáac juibínit, caandíh jwí jwááat pínahdih wā naóhbpina caá. <sup>2</sup>Bitá yeebdíh yeena, “Jwí Maáh átát jwáub dei jūóh tagaá”, ī niijíchah yuhna, nī úumca bojoó. Biquína “Dios weemdíh páant ā niijíp jī”, níj, bita “Pablo páant át daác wahap jī”, ít níj yee tagaá. <sup>3</sup>Pánihna, bita páant yeebdíh ī yeenachah, nī joyáh bojoó. Caán ā jwáub dei jūúwát pínah játih, Diosdih dawá ī yap yohbpina caá. Páant ī yap yohochah, chah yeejép wutni ā jígohbpina caá. Caandíh Dios peéh

chájna, iiguípna ā wahbpina caá. <sup>4</sup>“Caán nihat maáh caá”, cáacwádih níj jenah joyát tútutcan, Diosboodíh ā weñat tútutcan níit. “Weém caá Dios”, níj yeenit, Dioh muúboó ā waadbipna caá, nihat caandíh ennit, ī wēi naáwát pínah niijná.\*

<sup>5</sup>¿Nijeéh jumna, páant yapat pínahdih wā naáwátjidih nī náhnican níit? <sup>6</sup>Bæu caán yeejép wutni pínahdih jáhni páantjeh jwí cātíh ā jum jwuhna caá. Obohjeéhtih, Dios ā níoni yeó jáapdih yeejép wutni ā jígohbpina caá. <sup>7</sup>Bæu caandíh nī jéih encah yuhna, nemépwā ī maáhboó Dios ā wutadtih cáacwádih ā yap yohat tútutna caá. Obohjeéhtih, páant ā chäjachah yuhna, yeejép wutnidih jáhni ā bejat pínah játih caán tubit yeejép ā jéih wut jwuhcan caá. <sup>8</sup>Á bejat táttimah bácah, tubit yeejép wutni ā jígohbpina caá. Páant ā jígohat táttimah, jwí Maáh Jesucristo ā yeh iigátjīh nin baácboó jwáub dei jūóhna, ā naáwátjīh póoj yohat pah, caandíh ā bæudábpina caá.\* <sup>9</sup>Caán yeejép wutniobó nemép ā wēpatjīh, cáacwā ī jéih chájca naáhdih dawá láa ā chäj jéutbpina caá, queét caandíh ī wēi enat pínah niijná.\* <sup>10</sup>Búdí yeejép ā chäjachah yuhna, iiguípna bejnit pínahboó “Caán tái chájni caá”, niijnít, caandíh ī jepahbpina caá. Queét Jesúh doonádih, yoobópdih ā jumachah yuhna, ít joíhcap tagaá. Páant ī joíhcat jīb, queét iiguípna bejnitdih Dios ā ubcan níit. <sup>11</sup>Túini doonádih ī náahcat jīb, Dios queétdih máihnit pah ā chäjbpina caá, yee naáwátidih ī tái joyát pínah niijná. <sup>12</sup>“Caán naáwát yoobópdih niican caá”, niijnít, yeejép ī wēi chájatjī jīb, Dios queétdih ā peéh chäjbpina caá.

#### Dios áihwádih ā níwat

<sup>13</sup>Yeeb jwí déewá panihnitá, jwí Maáh Jesús ā oinit nī jumna caá. Nin baácdih ā chäjat pínah játih yeeb iiguípna bejnit déejidih Dios át níwip wut jī, áihwā nī jumt pínah niijná. Túini doonádih “Yoobópdih tigaá”, yeeb nī níj jenah joyóchah, Túini Espíritu yeebdíh át teo wáacap tagaá, túinit nī jumt pínah

\* 2.1 1Ts 4.15-17 \* 2.4 Dn 11.36; Ez 28.2 \* 2.8 Is 11.4 \* 2.9 Mt 24.24

nijná. Pánihna, ā n̄onit n̄i jumuchah, Diosdih wēinit “Túina caá, Paá”, jwí niiját dée caá. <sup>14</sup>Túini doonádih jwí naawáchah, Dios yeebdih āt n̄iwip taga, jwí Maáh Jesucristo jeáboó maáh ā jumuchah, yeebbát caán biíc dih maáta n̄i jumat pínah niijná.

<sup>15</sup>Pánihna, Jesucristodih túi péenit n̄i jumú. Pánih péena, jwí naóh bohéátjidih jwí daác wahnidihbut túi náhninit, n̄i yap yohca bojó. <sup>\* 16-17</sup>Jwí Maáh Jesucristodih, jwí íp Diosdihbut yeebdih búdí jwí uúbhna caá, ī náah yacat pah n̄i chājat pínah niijná. Jwiít dih oina, iiguípna bejnit déejidih Dios ā túi ubatdih náhninit, yeó jáap jumat pah búdí jwí wēina caá. Jesucristo, jwí íp biíc dih yeebdih ī teo wáaca naáh, wēp n̄uhnit panihnit jumna, túi chājnit, túi m̄íic wēhenit páantjeh n̄i jumat pínah niijná.

“Jwiít dihbut n̄i uúbá”, ā niiját

**3** <sup>1</sup>Buu jwí déewā panihnitá, jwiít dihbut n̄i uúbá, jwí Maáh Jesúh doonádih dawá cáacwádih jwí túi bohéat pínah niijná. Yeéb caán doonádih n̄i wēi jepahat pahjeh muntih bitadih jwí bohénachah, ī túi wēi jepahat pínahdihbut n̄i uúbá. Pánih jepahnit, bitadihbut ī naawáchah, caán dooná waícanjeh ā bej peét bejbipna caá. <sup>2</sup>Jesúh doonádih dawá jepahcan, yéej chājnit jumna, jwiít dih ī yeejéj chājihichah, Dios jwiít dih ā wapat pínahdihbut n̄i uúbá. <sup>3</sup>Jwí Maáh Jesús ā niijátji pahjeh chājni ā jumna caá. Pánih jumna, nemépwā ī maáh yeebdih ā yéej chājat tūtuchah yuhna, yeebdih ā teo wáacpina caá, Jesús dih túi jenah joinít, nemépwāboodih n̄i jepahcat pínah niijná. <sup>4</sup>Páant Dios yeebdih ā teo wáacatj̄ih, ded pah jwí wutuchah, n̄i jepahatdih jwí túi jéihna caá. Páant n̄i chāj cádahcatdihbut jwí jéihna caá. <sup>5</sup>Dios búdí ā oyatdih yeebdih ā túi jéihyana naáh, caandih oinit, bitadihbut n̄i oyat pínah niijná. Jwí Maáh Jesús yeejéj yapna yuhna, Diosdih āt cádahcap wut j̄i. Páant ā jumat pah

muntih, yeebbát yeejéj yapna yuhna, n̄i cádahcat pínahdih wā uúbhna caá.

### Ā tewat tútat

<sup>6</sup>Jwí Maáh Jesucristo ā wēpatj̄ih, nin pah yeebdih wā wutna caá: Det Jesúh wā jwí bohéátjidih jepahcan, tewihcannitdih n̄i pej jumca bojó. <sup>7</sup>N̄ijeéh jumnit, búdí jwí tewe chah, n̄i enep j̄i. Pánihna, jwí tewatji pahjeh muntih yeebdihbut tewat ā náahatdih n̄i jéihna caá. <sup>8</sup>N̄ih jeémát dih j̄ih wihcanni jwí p̄i jeémcap j̄i. Obohjeéhtih, yeebdih uúbh tac b̄ugácat tút niijná, yeó jáap jumat pah, chei jumat pahbut búdí jwí tewep j̄i. <sup>\*</sup>

<sup>9</sup>Jwí bohéatji j̄ih yeebdih jwíta j̄ih waadá tagaá. Obohjeéhtih, j̄ih náahcanjeh, búdí jwí tewep j̄i, yeebboó jwiít dih n̄i en yacat pínah niijná. <sup>10</sup>N̄ijeéh jumnit, nin pah yeebdih jwí niij bohénap j̄i: “Teocannit ī jeémcap bojo naáh”, jwí niijp̄ j̄i. <sup>11</sup>Obohjeéhtih, yeéb biquína n̄it tewihcap wut be. Pánih tewihcan, bitadih n̄it tac b̄ugánap wut be. <sup>12</sup>Pánih tewihcannitdih jwí Maáh Jesucristo ā wēpatj̄ih nin pah jwí niij wutna caá: “Bitadih tac b̄ugacánjeh, n̄i tewé, n̄ih jeémát pínah j̄ih”, jwí niijná caá.

<sup>13</sup>Obohjeéhtih, yeéb jwí déewā panihnitá, túi chājna, n̄i ch̄ucá bojó. <sup>\*</sup> <sup>14</sup>Biquína caanj̄ih moón jwí tewat tútatdih ī yap yohochah enna, queédih n̄i pej jumca bojó, t̄icnit, ī tút n̄umát pínah niijná. <sup>15</sup>Obohjeéhtih, Jesús dih cádahnitdih n̄i en j̄ihñat pah, queédih n̄i en j̄ihca bojó. Queét n̄i déewā, Jesúh wā ī jumuchah, ī yap yohatdih queédih túinijeh n̄i naawá, ī túi tewat pínah niijná.

### Ā péé túyat tútat

<sup>16</sup>Jwí Maáh Jesús jwiít dih túi jumat tút ni, yeó jáap jumat pah yeebdih ā túi teo wáaca naáh, n̄i túi jumat pínah niijná. Jwí Maáh n̄ijeéh ā túi jumna naáh.

<sup>17</sup>Weém Pablo, nin péeni naawát bitdih w̄ih téihyāj̄ihjeh wā daácna caá. Nihat wā daác wahnidih w̄ih téihyāj̄ihjeh w̄ip̄

\* 2.15 1Co 11.2 \* 3.8 Hch 18.3; 1Ts 2.9 \* 3.13 Gá 6.9

daác péana caá. Páant péeni  
naáwátbitdih míc wā daacátdih enna,  
wā naáwát yoobát ā jumatdih ñi  
jéihbipna caá. <sup>18</sup>Jwī Maáh Jesucristo

yeéb nihatdih oinit, búdí ā teo wáaca  
naáh.  
Páant bóojeh tigeá wā naáwát.  
Pablo